

175619 - নিজের শিশুর জন্য তিনি যে সাহায্য পান সেটা থেকে কি নিজে খরচ করতে পারবেন

প্রশ্ন

পরিবারে কয়েকজন শিশু থাকলে অমুসলিম রাষ্ট্র ‘শিশুর প্রতিপালন’ নামে একটা অর্থ সাহায্য দিয়ে থাকে। যে কোন অবস্থায় এ অর্থটি নিতে হয়; কারণ তারা সন্তান জন্মদানকে পৃষ্ঠপোষকতা দিতে চায়। আমার প্রশ্ন হচ্ছে: ‘শিশুর প্রতিপালন’ নামে এ অর্থের মালিক কে? এ সাহায্য প্রাপ্তির জন্য বাবা কিংবা মা এর নাম কি ব্যবহার করা যাবে? এ ক্ষেত্রে কি কোন পার্থক্য আছে? এ বিষয়টি নিয়ে আমাদের মাঝে ঝগড়া হচ্ছে। আশা করি আপনারা জবাব দিবেন।

প্রিয় উত্তর

মূলতঃ এ অর্থের মালিক ও বেশি হকদার হচ্ছে- শিশুর অভিভাবক, তার দায়িত্ব গ্রহণকারী, তার দেখাশুনা ও খরচাদির দায়িত্ব পালনকারী। আল্লাহ তাআলা বলেন: “আর সন্তানের অধিকারীর উপর সে সমস্ত নারীর ভরণ-পোষণের দায়িত্ব প্রচলিত নিয়ম অনুযায়ী।” [সূরা বাকারা, আয়াত: ২৩৩]

অতএব, তিনিই এর বেশি হকদার; চাই এ সম্পদ বাবার নামে গৃহীত হোক কিংবা মায়ের নামে গৃহীত হোক।

তবে এ বিষয়ে সতর্ক থাকা প্রয়োজন যে, যদি এ সাহায্য শিশুর নামে তাকে মালিক বানিয়ে বণ্টন করা হয় তাহলে এটি তার হক; অন্য কারো নয়। সুতরাং শর্ত রক্ষা করে এর থেকে শিশুর যতটুকু প্রয়োজন ততটুকু খরচ করতে হবে; বাকীটুকু শিশুর জন্য সংরক্ষণ করতে হবে।

আর যদি এ সাহায্যের উদ্দেশ্য হয় শিশুর খরচ ও প্রতিপালন ব্যয় বহনে পরিবারকে সহযোগিতা করা, শিশু জন্মদানে উদ্বুদ্ধ করা এবং এ ক্ষেত্রে আর্থিক প্রতিবন্ধকতা দূর করা তাহলে এটি পরিবারের খরচবহনকারীর অধিকার। এ অর্থ থেকে তিনি পরিবারের জন্য খরচ করবেন।

আল্লাহই ভাল জানেন।